

Clarissimo viro Johanni Ioffelholz Aurenburgensi iuris imperialis cultori & studio-
rum humanitatis excellentissimo. Petrus Danhuser. artium magister felicitate

Beatus Anselmus ordinis sancti benedicti professor ornatissime vir theologus per
quod fuit ameni ingenij doctrina quae ista utiliore ac delectabili. Ceterumque sacrarum dog-
matum memoria multum fuit: is scripta omnia antiquiora: tam curiose spectat: religi-
onem christianam cernentia aut dogmata ponderat: aut precepta rimatur. ut videre
mibi video: eum diuo Hieronimo qui tamen multarum rerum peritia et eloquentia sum-
ma calluit: mirabili quadam ingenij acrimonia: piene parem atque comparandum. Sed
cum Hieronimi quidem monumenta rerum ac disciplinarum: que per litteras condidit
in propatulo: frequentique usu feruntur. Anselmi autem opera viri sanctimonia ac ca-
stitate precipui non perinde in vulgus exeunt et doctrina subtilitasque eorum tanquam parum
utilis est derelicta velut ignis abstrusus in venis silicij. Que tamen multum salis et ver-
tatis christiane religioni accommodant. Ego etsi non summo ingenio institutus ta-
men oblivionis iniuriam docti viri simul et sancti egerrime ferens: cordi iam habeo il-
la qua potis sum cumque auctoritate eneo officio meis impensis imprimere: nominique
tuo gravissimo dedicare ut a magnitudine tua sperem me si non magnam laudem bo-
nam tamen iudicij mei veniam consecuturum. sperans rem deo gratam. religioni chris-
tiane accommodam: tibi iocundam fore. Nam testor deum: non temere factum. Ea ope-
ra a tenebrarum sordibus in splendidam lectionum lucem reuocatum iri: que aut inge-
nia prompta expeditaque ad salutis eterne cupidinem: utiliumque artium contemplationem
celeri facilitate compendio ducerent: aut homines deuotos religiososque a turpi cer-
te agrestique rerum imperitia vindicarent. Non enim fecit beatus anselmus altos nimis et ob-
scuros questionum sinus. Sed primitias quasdam et quasi libamenta ingenuarum artium
theologie sacre dedit: ea opera precesse vir tibi dedico: quem cum amicissimum mihi:
tum eximio litterarum amore flagrantem: dignissimum hoc mutuo inter nos caritatis
pignore iudicavi ut quemadmodum tue nuncupationi omnes celeberrimi academia-
rum sectatores linguis animisque benigne fauent: sic tuis auspicijs primitie meorum studio-
rum immortalitatem assequantur. magna est in re militari virtus tua: maior in administra-
do concilio iusticia: maxima in omni disciplinarum genere prudentia tua: ad te igitur
magnanime venientem suscipe libellum: et inter reliquos codices tuos quos et pluri-
mos et doctissimos in celeberrimam bibliothecam tuam vndique collegisti. Hunc quoque
anselmum fidei christiane amplificatorem tanquam illo-
rum concomitem collocato. Non enim indignum erit inter tot sapientissimos viros quorum monumenta splendidissimo
pluteo tuo seruantur illum etiam doctorem accedere. Quamobrem deum optimum ma-
ximum omnium bonorum operum autorem suppliciter precor: ut his meis ceptis ita
aspiret: dexterisque ac volens adsit: ut cum eius ope et numine opera sancti anselmi iu-
dici-
um commune meruerint reliqua alacriori animo persequi possim. id autem conti-
gisse intelligam cum ceteros animaduertero huiusmodi operibus delectari. Vale ex
vibe Aurenbergensi. r. c.